




GRADE VI
**GAWAIN NG PAMAHALAAN: TUGON SA PANGANGAILANGAN
NG MAMAMAYAN**



ALAMIN MO



Ano ang nakikita mo sa larawan?

Anu-ano ang ginagawa ng mga taong nasa larawan?

Magiging maayos ba ang pamumuhay ng mga Pilipino kung palaging ganito ang pamamalakad ng pamahalaan para sa mga mamamayan?

Sa modyul na ito malalaman mo na ang mga tuntunin at gawain ng pamahalaan para paglingkuran ang taong bayan.





PAGBALIK-ARALAN MO

Sa nakaraang leksyon natutuhan mo ang kahalagahan ng Pamahalaan. Susubukin ko ang iyong kakayahan sa iyong mga napag-aralan sa pagsagot ng sumusunod na katanungan.


Basahin mo ang mga tanong at isulat ang titik ng tamang sagot.

1. Ano ang dapat gawin upang umunlad ang ating bansa?
 - A. maging masipag
 - B. maging palautang
 - C. maging mareklamo
 - D. maging mapagmatyag
2. Bakit tayo may Hukbong Sandatahan ng Pilipinas?
 - A. upang mangalaga sa mga “drug lords”
 - B. upang mangalaga sa kalusugan ng tao
 - C. upang mangalaga sa transportasyon ng bansa
 - D. upang mangalaga sa katahimikan at kaayusan ng buong bansa
3. Bakit may ugnayang diplomatiko tayo sa ibang bansa?
 - A. upang hindi nila tayo sakupin
 - B. upang maging tahimik sa ating bansa
 - C. upang may koneksyon tayo sa ibang bansa
 - D. upang magkaroon tayo ng pakikipagkasunduan sa larangang pangkabuhayan, pampulitika at pangkapayapaan
4. Bakit kailangang ipatupad ng pamahalaan ang mga batas sa paggawa?
 - A. upang matupad ang mga hangarin nito
 - B. upang maging tama ang ginagawa ng mga tao
 - C. upang magkaroon ng trabaho lahat ng mga tao
 - D. upang mapangalagaan ang mga karapatan sa trabaho ng mga tao
5. Alin sa sumusunod ang **hindi** naibibigay na kabutihan ng mga batas sa paggawa?
 - A. naibibigay ang minimum wage ng mga manggagawa
 - B. napangangalagaan ang kanilang benepisyo sa SSS o GSIS
 - C. nabibigyan ng benepisyong makapag-abroad nang madalas
 - D. napangangalagaan ang kanilang oras at takdang bilang ng mga paglilingkod at pagtatrabaho





PAG-ARALAN MO



Ipinakikita sa dayagram na ito ang mga pangunahin at iba't ibang gawain ng pamahalaan.

Ang tatlong ito ay kumakatawan sa tatlong sangay ng pamahalaan na mapag-aaralan ninyo sa susunod na mga aralin. Ang ilan pang gawain na iyong nakikita sa dayagram ay ang mas tiyak na serbisyo na ipinakakaloob ng pamahalaan sa mga mamamayan.



Tingnan at pag-aralan ang talaan.

Mga Ilan sa Ahensya ng Pamahalaan at mga Gawain Nito

Ahensya	Akronim	Mga Gawain/Halimbawa
Kagawaran ng Edukasyon	DepEd	Pagbibigay ng edukasyon sa mga kabataan mula elementarya hanggang haiskul. <i>Halimbawa:</i> Pamublikong Paaralan, Paaralang Elementarya ng Makati, Mataas na Paaralang Tandang Sora
Kagawaran ng Tanggulang Bansa	DND	Pangangalaga ng kaligtasan ng bansa laban sa terorismo, panlabas at panloob na banta/smuggling.
Kagawaran ng Katarungan	DOJ	Pagprotekta sa karapatan ng bawat isa sa lipunan <i>Halimbawa:</i> pagsasampa ng kaso laban sa mga tiwaling opisyal ng gobyerno.
Kagawaran ng Kalusugan	DOH	Pangangalaga sa kalusugan ng bawat isa sa lipunan. <i>Halimbawa:</i> pagkakaroon ng sentrong pangkalusugan at pamublikong ospital.
Kagawaran ng Kapaligiran at Likas na Yaman	DENR	Pagsagip para sa kaligtasan at preserbasyon ng kalikasan. <i>Halimbawa:</i> pagtatanim ng punongkahoy, pagbabawal sa pagputol ng punongkahoy nang walang permit pagbabawal sa pangunguha o panghuhuli sa mga papaubos ng lahi ng mga hayop.
Kagawaran ng Paggawa at Empleo	DOLE	Pagbibigay ng pagkakataon sa pagtatrabaho sa loob at labas ng bansa at pagprotekta sa karapatan ng bawat manggagawa. <i>Halimbawa:</i> pakikipag-ugnayan sa iba't ibang ahensya pribado man o pampubliko na may kinalaman sa paggawa sa lokal, nasyonal o pang-ibayong dagat.



PAGSANAYAN MO

Basahin at bilugan ang titik ng tamang sagot.

1. Ano ang layunin ng ating pamahalaan para sa mamamayang Pilipino?
 - A. para sa ating kabutihan at kaunlaran
 - B. para maging bahagi tayo ng kanilang gawain
 - C. upang matiwasay at payapa ang ating bansa
 - D. upang magkaroon tayo ng sapat na kabuhayan
2. Aling tungkulin ng pamahalaan ang nagkakaloob sa mga mamamayan ng trabaho at ng mga pagkakataong mapanatili ang takbo ng negosyo sa bansa?
 - A. seguridad
 - B. kagalingang panlipunan
 - C. kabutihang pampamilya
 - D. kaunlarang pang-ekonomiya
3. Aling tungkulin ng pamahalaan ang sumusuri sa kalagayan ng pagtaas ng dolyar upang hindi ito gaanong makaapekto sa ating kabuhayan.
 - A. kagalingang panlipunan
 - B. katarungan panlipunan
 - C. kabutihang pangkalusugan
 - D. kaunlarang pang-ekonomiya
4. Marami nang naitayong mga pampublikong pagamutan at paaralan sa bansa. Ito ay tungkuling nabibilang sa _____.
 - A. seguridad
 - B. katarungang panlipunan
 - C. kagalingang panlipunan
 - D. kaayusang pangkapayapaan
5. Ano-ano ang nagtutulungan upang lubos na matugunan ang ating mga pangangailangan?
 - A. mga ospital
 - B. mga tindahan
 - C. mga pamilihan at paaralan
 - D. mga ahesiya ng pamahalaan





TANDAAN MO

- *Maraming paraang ginawa ang pamahalaan para sa kabuhayan at kaligtasan ng tao sa bansa*
- *Nagkaroon ng ahensya ng pamahalaan na tutugon sa pangangailangan ng mamamayan.*



ISAPUSO MO

Sa mga programang inilaan ng pamahalaan para sa kapakanan ng bayan at sa mga ahensyang tumutulong sa pagtugon sa pangangailangan ng mamamayan, dapat tayong magtulungan at makiisa upang matamasa ang kaunlaran at kapayapaan ng bansa.



GAWIN MO

Basahin ang talata sa loob ng kahon. Sagutin ang tanong pagkatapos nito.

Gawain ng pamahalaan ang gumawa ng batas, magpatupad ng batas at bigyan ng pagpapakahulugan ito. Hindi lamang ito ang dapat gampanan ng pamahalaan. Binibigyang pansin din nito ang iba pang gawain na ang ilan ay iniatas pa ng Saligang Batas. Halimbawa nito ay gawaing panseguridad, kaayusang panlipunan at pang-ekonomiya at katarungang panlipunan.

Sa panseguridad sinisikap ng pamahalaan na ang bawat mamamayan nito ay ligtas sa anumang kapahamakan. Tinutulungan ng pamahalaan ang pangangailangan ng mamamayan katulad ng nasalanta ng mga kalamidad, bagyo, pagbaha, lindol at pagputok ng bulkan at iba pang sakunang dulot ng kalikasan at gawa ng tao.

Sa kagalingang panlipunan, may pabahay na inaalok ang pamahalaan sa abot kayang halaga para sa mga iskwater sa kalunsuran. Ang proyektong pangkabuhayan ang nauuna sa mga listahan upang makapagtrabaho nang maayos sa pamilya at sa bansa.

Sa katarungang panlipunan may programa ang pamahalaan upang mabigyan ng proteksyon ang karapatan ng biktima at akusado. Ang isang halimbawa nito ay ang Witness Protection/Department of Justice na nagbigay seguridad sa mamamayang



testigo laban sa akusado sa pagkakasalang kriminal.

Anong serbisyo ang ipinakita ng pamahalaan para sa seguridad ng bansa natin?

Ano-anong kagalingang panlipunan ang ginagawa na mga ito?

Ano naman ang katarungang panlipunan? Malaki ba ang naitulong nito sa bansa?



PAGTATAYA

Isulat ang ahensyang tumutugon sa mga pangangailangan ng sumusunod na sitwasyon:
Piliin ang ahensya sa kahon sa ibaba. Piliin ang sagot na nasa kahon.

1. Ibig makapag-aral ni Bino na isang matalinong mag-aaral sa kolehiyo ngunit walang maitustos ang kanyang pamilya.

2. Suliranin ni Mang Jose ang lubhang pagkatuyo ng kanyang mga pananim.

3. Pinangangalagaan nito ang maayos at wastong paggamit ng ating likas na yaman.

4. Tinutulungan nito ang mga manggagawa ukol sa wastong pamamalakad ng kani-kanilang pinagtatrabahuhan.

5. Nag-uutos sa mga pagamutang pampubliko na magbigay ng libreng gamot, bakuna at payo sa mahihirap.


Kagawaran ng Edukasyon Kagawaran ng Tanggulang Bansa Kagawaran ng Katarungan Kagawaran ng Kalusugan Kagawaran ng Kapaligiran at Likas na Yaman	Kagawaran ng Gawaing Pampubliko at Panlansangan Kagawaran ng Paggawa at Pag-eeempleo
--	---





PAGPAPAYAMANG GAWAIN

Gumawa ng pananalisik. Alamin ang napapanahong programa na inilunsad ng pamahalaan sa pamamagitan ng mga ahesya nito. Maaring gumawa ng poster at kulayan ito.



Maaari mo na ngayong simulan ang susunod na modyul.

